


**WWW.SOLODIPUEBLO.COM**



**SOLODIPUEBLO@GMAIL.COM**

# RENOBACION DI E PISTA DI PALO MARGA A INICIA


**Nos ta priminti y nos ta cumpli!**



**HUES A CONDENA HOMBER NA  
2 AÑA DI PRISON PA A DUNA  
HOSPEDAHE NA DAMANAN CU A HACI  
PROSTITUCION ILEGAL**



**PAREHA DI E  
MESUN SEXO  
MASCULINO  
A BRINGA CU  
OTRO DEN  
MONDI**



**BABY A  
MURI PA  
OVERDOSIS  
DI FENTANYL,  
COCAINA Y  
MORFINA**





# Minister Endy Croes:

## RENOBACION DI E PISTA DI PALO MARGA A INICIA

### Nos ta priminti y nos ta cumpli!



: Diahuebs atardi, durante Conferencia di Prensa di Gobierno di Aruba, Minister di Enseñansa di Deporte Endy Croes haci e anuncio oficial cu dia 4 di april e trabou di renobacion di e pista di Palo Marga ta inicia. Manera ta conoci, pa mas di 10 aña Palo Marga no a haya atencion di e gobiernonan anterior y no tabata den un condicion adecua. Despues di evalua e necesidatnan cu tabatin den Palo Marga, desde aña 2023 a inicia cu e prome fase di

e proyecto, unda cu a aloca 26 poste di luz, instala cabel di coriente y a construi un baki di santo na e final di pista, cual ta pa evita cualkier desgracia den caso cu break di auto faya. A inverti 450 mil florin den luz ultramoderno LED light di marca Philips. Dia 1 di juli di aña pasa a concretisa e prome fase aki, unda a cende e luznan di Palo Marga cu ta ilumina e pista desde inicio te na final di e pista. Esaki sigur ta brinda e coredonan seguridad, mirando cu nan tin un miho bista di e pista. Durante e ceremonia di One Cool Summer, e mandatario di Deporte a haci un promesa cu lo sigui cu e di dos fase di renobacion di Palo Marga, esta “recap” e pista completo di Palo Marga pa cumpli cu e standardnan internacional. Pa esaki, a trece Sr. Kurt Johnson di Total Venue Concepts, un profesional den e preparacion di pista di drag racing na Merca. Lo uza un mix special pa e pista, esta “race quality asphalt”. A percura pa e fondonan yega pa realiza e proyecto di Palo Marga, pa cumpli cu e condicionnan internacional y tin un pista certifica pa e proximo 15 añanan. Na Aruba no tin tur ekipo, sinembargo a traves di e contactonan di Sr. Kurt Johnson a ricibi un oferta adicional pa complimenta e proyecto aki. Ademas di esaki, AWM lo trece un experto di Hulanda pa concretisa riba nivel di millimeter con nan lo basha e pista. Ta planifica pa

termina e proyecto di renobacion di e pista di Palo Marga den seis (6) of ocho (8) siman.

Durante e ceremonia Sr. Richard Every di ABM a expresa cu e fecha 3 di april ta hopi importante pa mundo di drag race na Aruba. Sr. Every a sigui bisa cu porfin e dia a yega cu lo renoba e pista, na unda cu di awo padilanti progreso so ta bay tin p’e deporte di drag race. Sr. Every a gradici Minister Endy Croes, Ministerio di Deporte y tur stakeholder cu a yuda cu e prome fase, esta e 26 poste di luz cu a keda finalisa y awo ta cla pa inicia cu di dos fase 2, esta “recap” e pista.

Minister Endy Croes a señala un publicacion den e corant Amigo di Aruba, di 41 aña pasa, riba e fecha 23 di april 1983, cu durante e apertura di Palo Marga e comision e tempo ey, a remarca cu ta imposibel pa gradici tur persona cu a contribui den realisacion di e proyecto. Esaki ta duna un indicacion cu ta hopi hende a pone cabes y traha hunto pa logra e proyecto aki. Sinembargo, nan a haci un excepcion y a gradici Arubaanse Bestuurscollege, consehero general Betico Croes (feliz memoria) y personal di Arubaanse Wegenbouw pa nan gran apoyo den e proyecto.

Despues di e ceremonia, Minister Endy Croes den un auto dragster a realiza e ultimo careda riba e pista pa asina clausura oficialmente esaki pa e trabounan di renobacion por inicia. Despues a tuma luga e “groundbreaking” simbolicamente duna inicio na e trabou di renobacion di e pista. Por ultimo, Minister Endy Croes ta gradici Gobierno di Aruba, Lotto pa Deporte y tur stakeholder cu ta carga e proyecto aki. Tambe, e mandatario di Deporte ta gradici e comision, directiva di ABM, DOW,



AWM, C2, Ministerio di Deporte y e coredonan pa e compresion. Alabes, ta felicita e mundo di dragrace. Corda laga nos cuida e pista aki pa asina nos por uz’e pa hopi aña. “Ta nos compromiso pa contribui den e desaroyo di deporte di Aruba y Gobierno di Aruba ta invertiendo den deporte pa bienestar di tur deportista”, Minister Endy Croes a conclui.



# MINISTER XIOMARA MADURO TA FELICITA GANADONAN DI COMPETENCIA ESCOLAR DI BAILE Y FOTOGRAFIA - DIA DI HIMNO Y BANDERA 2024



E aña aki Ministerio di Cultura conhuntamente cu Comision Celebracion Dianan Nacional a organisa un competencia di baile di e jingle, “Aruba, Orguyo di nos tur”, na unda cu klasnan di scol basico mester a crea un baile riba e jingle cu a ser componi y aregla pa e hoben talentoso

Rygel Isabella y cu a wordo canta pa e hoben Jetzenia Martines. Ademas di esaki a organisa un competencia di fotografia pa muchanan di scol basico y scol preparatorio. Ganado di Competencia di Baile Aruba Orguyo di Nos Tur:

Varios scol a participa den e comptencia di baile. E ganado di e competencia baile a resulta e muchanan di Scol Basico Prinses Amalia - Klas 4B, kendenan a presenta un bunita baile. Ganado Scol Basico Competencia di Fotografia Aruba Orguyo di Nos Tur: E ganado a resulta e hoben Hayzey Arends di klas 4b di Colegio Conrado Coronel. E potret ganado a wordo describi como lo siguiente: “Mi Aruba stima, ki orguyoso mi ta di tin bo como mi hogar. Cu orguyo mi ta comparti mi cas cu hopi bishitante, cu kier bin admira bo beyesa

sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e subida y bahada di solo ta algo fenomenal”. Ganado Scol Preparatorio Competencia di Fotografia Aruba Orguyo di Nos Tur: E ganado a resulta e hoben Emmanuel Garcia di Scol Preparatorio Cayena. E potret ganado a wordo describi como lo siguiente: “Mi ta sintimi orguyoso di e bunitesa di nos lama color blau scur bunita , cu ta rondona nos isla. Danki na e lama bunita aki nos tin hopi turista cu ta bin di afo pa disfruta di nos dushi

isla. Mi Aruba stima mi ta orguyoso di bisa Arubiano mi ta”. Minister Xiomara Maduro y Comision Celebracion Dianan Nacional ta gradici tur scol y muchanan pa a participa den e competencianan, como tambe danki na e docente y mayornan pa motiva y brinda ayudo na nos muchanan, pa asina nan balora y aprecia mas Nos Dia Nacional, Dia di Himno y Bandera y asina sigui sinti nan mes orguyoso di ta Arubiano. E simannan nos dilanti lo tuma tuma contacto cu scolnan pa asina por entrega premio na e ganadonan.



## TRABOU DI MANTENCION NA SAN NICOLAS

Interupcion di Coriente

En conexion cu trabounan necesario, coriente lo wordo interumpi:

**Diahuebs, 11 di april 2024 8:30 AM te cu 4:00 PM**

Den vecindario di:

- |                          |                              |                           |
|--------------------------|------------------------------|---------------------------|
| • Adolf van Nassastraat  | • Lod. Van Nassastraat       | • Jan Steenstraat         |
| • Amalia van Solmsstraat | • Louise de Colignystraat    | • Mauritsstraat           |
| • Bernhardstraat         | • Prinsenstraat              | • Mauvestraat             |
| • Caya Bonaire           | • V/D Veen Zeppenfeldtstraat | • Mons Nieuwindtstraat    |
| • Caya Guadeloupe        | • Caya St. Croix             | • Rembrandtstraat         |
| • Caya St. Kitts         | • Caya St. Thomas            | • Stadhoudersstraat       |
| • Caya St. Lucia         | • Helfrichstraat             | • Bus Station San Nicolas |
| • Lagoweg                | • Hendrik Casimirstraat      | • Verrietstraat           |

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](http://www.elmar.aw) pa mira e lista di adresnan afecta.

Danki pa e comprension.



DANKI PA E COMPRESION





# Noticia di Corte

## HUES A CONDENA HOMBER NA 2 AÑA DI PRISON PA A DUNA HOSPEDAHE NA DAMANAN CU A HACI PROSTITUCION ILEGAL

D – Ayera mainta Hues di Corte den Promer Instancia a dicta sentencia den e caso penal cu Ministerio Publico a cuminsa contra e homber J.R.M., kende ta wordo acusa di traficacion di hende. Fiscal ta haya J.R.M. culpabel di a duna hospedahe na damanan ilegal pa haci prostitucion ilegal. SOLO DI PUEBLO por a compronde cu Hues ta haya J.R.M. culpabel y a confirma e exigencia di Fiscal. EXIGENCIA DI FISCAL

Dia 14 di Maart 2024, tratamiento di e caso a tuma lugar caminda Fiscal a bisa Hues cu e ta haya J.R.M. culpabel di a duna hospedahe na damanan ilegal cu tabata haci prostitucion ilegal.

Fiscal a muestra cu tin diferente di e damanan a declara cu nan tabata paga 75 florin pa dia pa apartamento cu J.R.M. tabata huur. Nan tabata haci prostitucion na e apartamentonan. Fiscal a sigui bisa cu tin di e damanan a declara cu nan mester keda paden sino J.R.M. lo yama Warda Nos Costa pa nan. Tin di e damanan a declara cu ta J.R.M. a bay busca nan na aeropuerto. Na opinion di Fiscal, J.R.M. tabata sa cu e damanan tabata haci prostitucion ilegal. Fiscal a bisa Hues cu e no ta kere cu J.R.M. no tabata sa di nada. Fiscal a lesa declaracion di varios di e damanan pa muestra cu nan tabata paga J.R.M. 75 florin pa dia y nan tabata haci prostitucion ilegal. Fiscal ta haya cu J.R.M.

tabata haci ganashi. Na opinion di Fiscal, el a bira un costumber di J.R.M. pa huur apartamentonan cu damanan ilegal cu tabata haci prostitucion. Fiscal a muestra cu tin combersacionnan di WhatsApp, caminda J.R.M. tabata instrui e damanan kico nan mester bisa Inmigracion pa asina por drenta Aruba como turista y despues ta keda ilegal y traha prostitucion. Fiscal ta haya cu J.R.M. a facilita e damanan ilegal hospedahe pa nan haci prostitucion. E ta haya cu J.R.M. a pone salubridad di Aruba na peliger pasobra e damanan ta ilegal y no tabata haci control. Fiscal a tene cuenta cu ta promer biaha cu J.M.R. a cay sera. Fiscal ta haya cu mester manda un

señal cu no ta permiti e tipo di prostitucion aki. Fiscal a exige 24 luna di prison, di cual 12 luna ta condicional cu un tempo di prueba di 2 aña. SENTENCIA Ayera mainta J.M.R. a presenta den Corte pa scucha su sentencia. Hues a bisa cu e ta haya legalmente proba cu J.M.R. ta culpabel di traficacion di hende. Hues a muestra cu J.M.R. tabata huur e damanan ilegal camber na 75 florin pa dia, pa nan haci prostitucion ilegal. Hues a confirma e exigencia di Fiscal. El a condena J.M.R. na 2 aña di prison di cual 1 aña ta condicional cu 2 aña di prueba.

# PA DOÑONAN DI TRABOU Y PENSIONADONAN

## Entrante aña 2024 pensionadonan ta paga menos na prima di AZV Pensionadonan ta paga 5% riba e prome Afl. 30.000 di entrada



– Departamento di Impuesto ta informa tur pensionado y nan doño di trabou, cu entrante aña 2024 e prima di AZV ta wordo reduci pa e pensionadonan cu tin e edad di 65 aña of mas. Te cu aña 2023, e pensionadonan tawata paga 6,5% riba e prome Afl. 30.000 di entrada of salario (di un empleo den pasado). Si e entrada of salario aki surpasa Afl. 30.000 pa aña, e pensionado ta paga 10,5% na prima di AZV riba e suma restante. Awor entrante 1 di januari 2024, e porcentahe riba e prome Afl. 30.000 di entrada ta baha na 5%. Pues un reduccion di 1,5%. Na januari ultimo, conforme decision di Consejo di Minister, Departamento di Impuesto a anuncia cu e porcentahe a wordo reduci y a bira 5,5%. Mientrastanto e decision

a wordo adapta y e porcentahe a wordo stipula na 5% entrante 1 di januari 2024. Entrada maximo pa cobra prima di AZV E entrada maximo pa cobra prima (premieloongrens of premie-inkomen) di AZV no ta cambia y ta keda Afl. 85.000 pa aña 2024. Esaki ta nifica cu si e salario of entrada di un pensionado surpasa Afl. 85.000, e ta paga e suma maximo di Afl. 7.275 pa aña na prima di AZV. E prima maximo te cu aña 2023 tawata Afl. 7.725. Pues, un reduccion di Afl. 450 pa aña. Ehempel: Premieloongrens of premie-inkomen Afl. 54.000 Calculacion di prima di AZV 2024 5% riba 30.000 ta Afl. 1.500 10,5% riba 24.000 (54.000-30.000) ta Afl.

2.520 Den e ehempel aki e pensionado lo paga total Afl. 4.020 na prima di AZV den aña 2024. Pa tur otro persona cu no ta pensionado (di edad te cu 64 aña) no tin cambio. E premieloongrens of premie-inkomen di aña 2024 ta Afl. 85.000 pa aña y e porcentahe maximo ta 10,5%. E prima di AZV ta maximo Afl. 8.925 pa aña (85.000 x 10,5%). Departamento di Impuesto ta haci un apelacion special na e doñonan di trabou pa tene cuenta cu e cambio di porcentahe ora cu calcula e prima di AZV di un pensionado pa asina por retene e suma corecto. Gerencia di Departamento di Impuesto 3 di april 2024



Minister Dangui Oduber

**ARUBA TA TUMA MEDIDA PREVENTIVO PA EVITA BROTE DI DENGUE**

Recientemente Ministerio di Turismo y Salud Publico di Aruba a tuma nota di aumento di Dengue na Curacao, unda lamentablemente ya a raporta tres morto. Pa preveni y pa Aruba ta na tempo, minister Oduber ya a duna Gele Koorts en Muskiet Bestrijding (GKMB) instruccion pa intensifica e medidanan preventivo, mirando e cantidad creciente di caso na Aruba.


Aunke na e momentonan aki no tin ningun brote di Dengue na Aruba, ta di importancia crucial pa nos haci tur cos posibel pa preveni esaki. Pa es motibo ministerio di salud ta haci

un yamada na pueblo pa hunto nos sea responsabel y nos combati criadero di sangura.

Ministerio di Turismo y Salud Publico di Aruba hunto cu DVG ta continua monitoria e situacion di serca y lo tuma medidanan adicional si mester. Ta pidi colaboracion di ful comunidad pa preveni un brote di Dengue na Aruba.

Ta esencial pa sigui e medidanan preventivo cu a ser comparti pa autoridadnan:

- Tira afo of warda tur obheto cu por retene awa, manera baki, taira di auto y pochi mata.
- Controla tur caminda paden of pafo di cas cu por tin awa para cu lo por bira un criadero di sangura.



## ARUBA TA TUMA MEDIDA PREVENTIVO PA EVITA BROTE DI DENGUE

Ta esencial pa sigui e medidanan preventivo cu a ser comparti pa autoridadnan:

- Tira afo of warda tur obheto cu por retene awa, manera baki, taira di auto y pochi mata.
- Controla tur caminda paden of pafo di cas cu por tin awa para cu lo por bira un criadero di sangura.
- Proteha bo mes contra picanan di sangura door di bisti paña cu manga largo y pia largo, usa repelente di insecto y fliet paden di cas, camber y tur area cu bo ta frecuente regularmente cu producto pa mata sangura.

Minister di Turismo y Salud Publico  
Sr. Dangui Oduber



### TRABOU DI MANTENCION NA SAN NICOLAS

Interupcion di Coriente

En conexion cu trabounan necesario, coriente lo wordo interumpi:

**Diamars, 9 di april 2024**  
**8:30 AM te cu 4:00 PM**

Den vecindario di:

• Bernhardstraat	• Van Rensselaerstraat
• Crynssenstraat	• Van Speykstraat
• Stuyvesantstraat	• V/D Veen Zeppenfeldtstraat
• Trompstraat	• Weg Seroe Preto
• Theaterstraat	

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](http://www.elmar.aw) pa mira e lista di adresnan afecta.

Danki pa e comprension.



caminda paden of pafo di cas cu por tin awa para cu lo por bira un criadero di sangura.

- Proteha bo mes contra picanan di sangura door di bisti paña cu manga largo y pia largo, usa repelente di insecto y fliet paden di cas, camber y tur area cu bo ta frecuente regularmente cu producto pa mata sangura.

Ta conseha publico pa keda atento di sintomanan di Dengue y si tin e minimo sospecho di infeccion, consulta di biaha cu bo dokter di cas.

Pa mas informacion tocante Dengue y medidanan preventivo, bo por bishita Facebook y Instagram di DVG Aruba.



## SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

- ☎ # 5684142 (WhatsApp)
- ✉ [armoniyabellezasalonspa@gmail.com](mailto:armoniyabellezasalonspa@gmail.com)
- 📍 Shiribana 12 b, Aruba




# PAREHA DI E MESUN SEXO MASCULINO A BRINGA CU OTRO DEN MONDI



Diamars anochi a drenta informe di cu tin un pelea andando entre 2 persona masculino den un pida mondi na Piedra Plat, mesora a dirigi un patruya na e sitio.

Na yegada di e patruya ya nan tabata di bay den un solo auto ora un di nan a baha y a conta polis cu aki ta trata di un pareha di e mesun sexo masculino cu a bringa cu otro.

E otro a keda sinta den auto. Polis a atende debidamente cu nan y cu nan ta cla pa bay detene nan pa a bringa riba caminda publico,



# HOBEN MENOR DI EDAD TRAS DI STUUR DI UN TOYOTA TERCEL SIN NINGUN PAPEL NA ORDO A RANCA UN PALO DI SOSTEN Y DAL RIBA CURA DI CAS NA BRAZIL



Diaranson merdia a drenta informe di un accidente basta fuerte unda lo por tin hende herida na Brazil, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un hoben di 17 aña tras

di stuur a sinti cu e wiel di auto ta bati manera cu esaki lo bay kita y a lanta e handrem y e auto a bay banda drechi dal un palo di sosten kibra desvia bay dal riba cura di cas. Afortunadamente e hoben a sali ileso, polis a cancela e ambulans.





# BABY A MURI PA OVERDOSIS DI FENTANYL, COCAINA Y MORFINA



Un berdadero conmocion ta reina na e Nueva York despues cu un baby a muri pa “overdosis” di fentanyl, cocaina, y morfina.


Esaki a sosode na januari 2024 pero apenas te awor, dialuna 1 di april, e mayornan di e baby, Wilkens Adonis y Daryllee Leibrock, a declara nan mes inocente di e cargo nobo, incluso e di homicidio involuntario.

Segun un informe di Fox News, Joseph Adonis, di 14 luna, a wordo haña for di tino den un cas na Holbrook dia 3 di januari.

Nan a hib’e na Hospital Universitario Stony Brook. Tabata, den e centro medico ey, unda nan a declar’e morto. Ambos mayornan a wordo aresta. Originalmente enconecion cu morto di nan yiu Joseph. Pero tur cos a bira peor, pasobra despues polis a haña droga mortifero den un stoel y den un mesita di nochi hunto cu arma carga den cas. E pruebanan di laboratorio a revela cu e mucha tin cocaína, fentanyl y morfina den su organismonan.

E mucha a wordo haña masha serca di un pakete di droga den e kamber di e acusadonan”, Ray Tierney, procurador di distrikto di e condado Suffolk, a bisa. Ambos mayor ta deteni y mester bay enfrenta husticia pa nan actonan di abuso contra e criatura.





### The Aruba Ports Authority N.V. is publicly tendering:

Replacement of an insulated roof at Oranjestad harbor.  
According to the tender document:

**“New roof installation Terminal 1 at Oranjestad harbor.”**

**Short Project description:**  
Replacement of +/- 1,071.4 sqm of Insulated roof panels.

**Execution period:**  
30 workable days.

**Project time frame:**  
June 26 up to august 9 2024. Working hours. Monday through Saturday from 07:00 am to 12:00 am

**Project management:**  
Aruba Ports Authority N.V.  
The validity proposal period is 60 days.

The tender documents will be available from **April 3, 2024 up to April 9, 2024** at the main office of the Aruba Ports Authority N.V. or via E-mail against a payment of Afl. 250,00.  
Office hours are from Monday to Friday, from 8:00 am to 12:00 pm and 1:00 pm to 4:30 pm.  
The tender documents can also be requested digitally via email [info@arubaports.com](mailto:info@arubaports.com) or [michael.koolman@arubaports.com](mailto:michael.koolman@arubaports.com) by sending a proof transfer with your email request between April 3, 2024, up to April 9, 2024 (Cutoff time on the 9th will be 6:00pm).

**Bank information:**  
**CMB** acc. Nr. 152 67 105 | **AB** acc nr.12 87 10 | **RBC** acc nr.305 49 42  
with the description: TOR project nr. 2404-1

The tender documents are available for your perusal from **April 3, 2024**, up to **April 8, 2024**, at the main office of Aruba Ports Authority N.V.

Regarding this project, an information meeting will be held on **April 15, 2024**, at **10 hrs. local time** at the main office of Aruba Ports Authority N.V. (APA)

The memorandum of the information meeting will be available on **April 16, 2024**, to all who have purchased the tender documents.  
Your proposal should be submitted in a sealed envelope on **April 23, 2024**, between **9:00 am and 11:00 am local time** in the box located at APA's head office building located at L.G. Smith Boulevard 23.

The tenderer must submit the following requirements with his tender:

- The proposal (a filled registration/ specification of tender sum annexed to the tender document)
- A valid copy of the company's Chamber of Commerce registration.
- Copy of ID of Managing director of the company.
- A list of subcontractors to be engaged. If none, it should be stated in a letter.
- Letter of good fiscal conduct issued by the “Departamento di Impuesto (DIMP)”
- Letter of good conduct of the managing director from the public prosecutor's office. (Openbaar Ministerie)
- Statement of the Court of first instance of Aruba (Gerecht in eerste aanleg van Aruba) that the tenderer is not in bankruptcy (faillissement) or in suspension of payments (Surseance van betaling)
- All documents required in the Terms of reference tender conditions at para graph 101.1 available on the web site [www.arubaports.com](http://www.arubaports.com)



## Prome Minister Evelyn Wever-Croes:

# PROME MINISTER A PARTICIPA NA E GREEN OVERSEAS PROGRAMME WORKSHOP PA MIEMBRONAN DI OCTA "Ta solamente uni, nos lo logra"



Recientemente durante su bishita na Corsou, Prome Minister Evelyn Wever-Croes a wordo invita pa duna un discurso na un workshop di Green Overseas Programme tocante Energy Policy & Regulation pa miembronan di OCTA. E workshop a enfoca riba e capacity building, e intercambio di experiencia y "best practices" pa e miembronan. E echo cu Prome Minister ta presidente di e asociacion di OCTA pa 2024, ta

crea hopi oportunidad y beneficio pa Aruba.

E Green Overseas Programme ta enfoca den 3 area: Transicion di Energia, Resiliencia di Energia y e acceso na Financiamiento Climatico. Durante su discurso, Prome Minister a duna su punto di bista riba e 3 areanan aki.

Transicion di Energia  
Transicion di e Energia ta hopi importante pa un pais. Unabes haci e transicion pa energia limpi, lo reduci e dependencia di e isla riba

combustibel fosil, kitando asina un peso grandi riba e costo di bida y economia di un pais pa motibo cu esaki ta depende di prijs mundial di petroleo.

Resiliencia di Energia  
E Resiliencia di Energia unda e islanan mester contribui na e debate global riba cambio climatico, por ehempel cu e de-carbonisacion, principalmente cu e reduccion di e emision di Co2 den atmosfera.

Financiamiento climatico  
Prome Minister a pone enfasis riba e acceso na financiamiento climatico, cual lo permiti e islanan realisa e Adaptacion Climatico, cu ta rekeri inversionannan grandi den infraestructura pa prepara pa e efectonan di e cambio climatico. Ehempelnan ta



e aumento di e nivel di awa di lama, clima extremo y segura cu ta echonan cu ya no por wordo evita. Na final di su discurso, e mandatario a indica cu pa tin un maneho responsabel

y exitoso pa loke ta cambo climatico, tur hende mester duna di nan parti. "Ta solamente uni, nos lo logra", Prome Minister a expresa.

## POLIS A BAY INTERMEDIA DEN UN PROBLEMA ENTRE 2 PERSONA NA WAYACA

Diaranson anochi a drenta informe di un problema entre 2 persona na Wayaca, mesora a dirigi un patruya na e sitio.

Na yegada di e patruya a intermedia den e asunto y a splica nan e forma corecto pa papia y atende e asunto sin recurir na ofensa ni violencia.

Na final ambos a compronde y nan a re-establece tranquilidad.





# MINISTER ENDY CROES A DUNA ALGUN AVANCE DI E PROYECTO DI RENOBACION DI COMPLEHO DEPORTIVO GUILLERMO PROSPERO TRINIDAD NA DAKOTA



**O R A N J E S T A D :** Enseñansa y Deporte Endy Recientemente, Minister di Croes a duna informacion



di e desaroyonan cu ta tumando luga na Compleho Deportivo Guillermo Prospero Trinidad. E mandatario di Deporte a indica cu a duna Arubaanse Voetbal Bond (AVB) aprobacion pa e wegá di 8 di juni 2024 bay door den e stadion. A anticipa cu e stadion lo ta completamente cla mas prome, pero lamentablemente tin algun rekisito cu no ta den man di Gobierno di Aruba, entre otro, algun retraso cu tin den e parti di e

atletiekbaan. Ademas di esaki, pa aproba e stadion na Dakota, CONCACAF ta exige pa tin luz di minimo 800 lux.

Ministerio di Deporte a inverti den luz cu suficiente iluminacion pa cumpli cu e standardnan aki. Unabes cu esakinan ta instala, e wegá di dia 8 di juni por tuma luga. E mandatario di Deporte a informa cu a haci tur esfuerço pa e wegá por tuma luga dia 8 di juni, pero e stadion no ta lo completamente

cla. Despues di 8 di juni, lo bolbe cera e stadion pa asina finalisa e trabou di e pista di atletiek.


Minister Endy Croes a indica cu e ta premira cu pa september 2024 por inaugura Compleho Deportivo Guillermo Prospero Trinidad na Dakota. Tur detaye y rekisito di e stadion aki ta hopi costoso, pero ta trahando den e proyecto aki cu alma y cuerpo pa hacie realidad.

## ATENCION ESNAN CU TA PASA RIBA E CAMINDA AKI. IRRESPONSABELNAN TA PONE PELIGER PA TRAFICO RIBA SASAKIWEG

Atrobe baldadinan ta cuminsa pone nos trafico na peligro y te hasta den oranan di madrugada unda nan ta hala e barinan cu ta ser usa pa banda di caminda den trafico.

Nan ta halanan for di nan luga y ta pone nan meymey di caminda treciendo peligro pa automobilistanan.

Pesey un atencion ta bay na tur automobilistanan pa tene cuidao riba caminda cu e obstaculonan aki.





# Exitoso 20 aña di Celebracion Nacional Dia Mundial di Teatro 2024



Departamento di Cultura Aruba, bao auspicio di Ministerio di Cultura Aruba; a presenta su di 20 aña di Celebracion Nacional Dia Mundial di Teatro 2024, cu'n actividad masha exitoso y creativo mes cu a tuma luga di 26 y 27 di maart na Cas di Cultura Aruba.

E celebracion aki tabata dedica na educacion superior di teatro y a haci e entrega di Premio Nacional di Teatro 2024 y tambe a haci e tradicional lectura di Mensahe Mundial di Teatro declara pa UNESCO.

Durante di e actividad teatral y diverso aki, tabata tin presentacion di 27 monologo di artistanan local e internacional cu a brinda na Aruba 2 anochi masha special mes cu

obranan impresionante y diferente stilo cu a resalta. Entre otro;

Ritmo (Expandi) Autor: Caricia Actor y Director: Natusha Croes Asistencia: Niño Divino. Darwin Winklaar. Sin Filter Actor, Actor y Director: Charlene Marchena Asistencia: Growth Influence Production Acceso Total Radio Show. Folklorica Autor: Niño Divino Actor y Director: Darwin Winklaar Asistencia: Natusha Croes. Art is Peace Autor: Mensahe Mundial di Teatro 2024. Jon Fosse Actor y Director: Adriana Cereste. Freedom is Scary den Halado Autor, Actor y Director: Astra Barbara Asistencia: V Frank y otro actornan di Halado. La Muerte Nada Calla Solo Duele Autor, Actor y Di-

rector: Daniel Ortis Credito: Elegía. Joan Manuel Serrat. Eudisia Autor, actor y director: Lupita Bernabela Asistencia di direccion: Albert Schoobaar Musicalisacion: Carlos Bislip. Kico Awo? Autor, actor y director: Shi Preke. Igual Autor, actor y director: Shjakayne Manuela. Cinco Minuut Horta Autor y director: Amy Lasten Actor: Satya Heinze. Luz Perpetua Autor y actor: Ryan Rodgers Director: Trabao den cooperacion, Jhon Freddy T. Montoya. E carta pa Tanta Catrine Autor, actor y Director: Gerardo Janga. (Bashaka). The Ludge Autor, actor y director: Charles Croes. Lavando los trapos sucios Autor: Tuesday Irwin & Nelson Gonzales Actor y Director: Tuesday Irwin Asistencia: Dimanche-Jolie Irwin. Sunu Autor, actor y Director: Indra Stamper Asistencia: Sofia Lees Stamper y Jhon Freddy T. Montoya. Koffie cu Mo Yechi Autor, actor y Director: Angelo Angela. Mi ta Priminti... Te na mi morto Autor, actor y director: Joan Danies. Desprecio Actor: Marcia Dirks Autor y director: Jarmine Acosta Asistencia: Betty Werleman. Mi Ultimo Cuaresma Autor, actor y director: Igmarr Maduro. Alma Liber Actor: Judith Werleman Autor y director: Madelene Kelly Asistencia: Betty Werleman. Fo'i balans Autor y director: Angelique Stuger. Pay me for me wuk Autor, actor y director: Emerita Emerencia Actor Multidisciplinario. Best Dat Ever Autor, actor y Director: Daylan Krozendijk



Credito: Joan Danies. E eco silencioso Autor, actor y director: Ferdinand Franca. Karena Maduro Actor di Monologo Identidad Cantante Artista Invitado special Premio Nacional di Teatro 2024 26 Identidad Autor, actor y director: Jhon Freddy T. Montoya Asistencia di direccion: Gloria Bryce Credito: Karena Maduro (Personahe Mama Luz y Amparo). Nunca ta laat. Autor, actor y director: Mario Flores. Invitado special for di Chile e actris Carolina Culon cu lo forma parti como intercambio di grupo GSCC Aruba di proyecto musico a mu-

sico.

Busca mas informacion y desaroyo di henter e actividad y di tur participante, den nos pagina di Facebook di Departamento di Cultura Aruba.

Masha danki na tur boluntario, tecnico, artista, maestro, director, actor y actor, pa boso tremendo aporte cu a garantiza e exito y calidad di henter e actividad.

Un danki masha special na prensa y publico presente, masha danki pa boso tremendo aporte y sosten brinda na nos artistanan local.

Masha danki di curason.



# FORTALEZA PA FAMIA

Scirbi pa Pastor Marcel Balootje.

## NINGUN HENDE POR CAMBIA E PALABRA DI DIOS



Ora nos mira diariamente, cuanto cos ta modernisa, cuanto hende kier cambia cos na nan fabor, sea pa ignorancia, orguyo, of hamber pa poder, of pa complace cu maldad, malisia y inmoralidad, nos tin corda lo siguiente:

Cu Pablo un Apostol ( no manda for di hende, ni door di hende, ma door di Hesus Cristo , y Dios Tata kende a lanta Cristo for di e mortonan ( Galationan 1:1) a scirbi tocante hende cu kier trose e evangelio di Cristo den Galationan capitulo 1:8 -10 bisando:

Ma maske nos , of un angel for di cielo, lo a predica na boso, un evangelio contrario na esun cu nos

a predica boso, cu e sea maldiciona. Manera nos a bisa caba, asina mi ta bolbe bisa awor : si cualkier hende predica na boso un evangelio contrario na esun cu boso a ricibi, cu e sea maldiciona.

Pasobra ta fabor di hende, mi ta busca awor, of di Dios? Of ta hende mi ta trata di agrada? Si ainda ta hende mi tabata trata di agrada, lo mi no tabata un sirbido di Dios.

Pero locual ta para scirbi den Mateo 24:35 keto bay ta vigente y lo no cambia: Cielo y tera lo pasa ma Mi palabranan lo no pasa.

Den Isaias 40: 8 Dios ta recorda nos tur cu: Yerba ta seca, flor ta marchita, ma e palabra di Dios ta permanece pa semper.

Si Dios ta spierta nos ta pasobra lo siguiente ta tumando lugar: Pasobra e tempo lo bin cu nan lo no soporta doctrina sano mas, ma alcontrario, pa satiface nan mes de-seonan, nan lo acumula

pa nan mes siñadonan pa bisa locual nan horea cu ta kishiki kier tende, y lo bira nan horea for di e berdad, y lo bolbe na fabula.

No ta algo desconoci cu respet pa Dios y su palabra, ta menguando riba mundo , pero como yuinan di Dios, nos tin cu zorg pa e palabra di Dios, no mengua den nos hogar, nos bida , ni tampoco nos famia.

Pasobra productornan di infielidad na Dios, na Matrimonio, y na Famia, ta aumentando cada dia, treciendo cosnan dilanti cu ta distrai hende for di e caminda berdadero, y hinc a hende den nan negoshi di maldad y scuridad.

Pesey como mayor nos mester ta cauteloso awendia, kico ta laga nos yuinan mira, tende of apoya, pasobra e enemigo ta purba dreña den tur cos.

Pa semper, Oh Senyor, Bo palabra ta estableci den cielo. Bo fieldad ta di generacion, pa generacion, Bo a stablece tera y e ta keda para. (Salmo 119:89).

Materialismo tin mente di hende domina, bruheria y spiritismo kier dreña den tur cos, hasta awor pa promove un remedi, pornografia ta wordo adapta den dje. Pasobra den tur cos e enemigo kier trece mal influencia.

Nos kier recorda tur hende cu den Hebreonan 12:25 ta

para scirbi: Mira pa boso no rechasa Esun cu ta papia. Pasobra si eseynan no a scapa, ora nan a rechasa esun cu a spierta nan riba tera, cuanto menos nos lo scapa, si nos bira bay , for di Esun cu ta spierta for di cielo.

For di den paraiso e diabel a purba di contradeci, palabra di Dios cu mentira bisando cu locual Dios ta prohibi , no mester wordo

obedeci.

Awendia e mentira a modernisa y a hanja transporte door di esnan cu ta trastorna e palabra di Dios, y ta papia confusion constante, pa mantene idolatria, maldad, y inmoralidad na existencia.

Pero maske kico hende haci e Palabra di Dios no ta cambia, pasobra nos Dios ta fiel na Su Palabra.

**Clasificados**



**SOLODIPUEBLO@GMAIL.COM**  
**CEL. 585 9500**

## HOOI FRESCO

A YEGA PA ALF 39,- SO!!!

**TEL: 5941317**

ADDRESS: THE GOLD MINE

RANCH ( MATIVIDIRI 60 )

## CHAPI Y VERF HANDY MAN

Nos ta haci tur sorto di chapi y verf cas, edificio, school.

Nos ta tira sushi afo.

**Cel: 561-1397**





# Accidente hit & run na Camacuri, vehiculo a pasa dal spiel di van kibra y sigi core bay

Diaranson mainta a drenta informe di un accidente na Camacuri, mesora a di-

rigi un patruya na e sitio. Na yegada di e patruya a bin compronde cu aki ta

trata di un accidente hit & run unda un vehiculo a pasa dal e spiel di un van y



kibra esaki. Lo bay purba haya grabacion di varios camara di seguridad cu por a capta e vehiculo pa

asina pone esun responsabel para pa su acto bergonsoso!

# Ladronnan a destrui auto pero nan no por a bay cu e auto for di Caya Seour Meletia



Diaranson madruga a drenta informe di un intento di ladroncia di un

auto na Caya Seour Meletia, mesora a dirigi un patruya na e sitio. Na

yegada di e patruya a bin compronde cu ladronnan a destrui bentana banda drechi patras pa a habri e porta drenta den e auto y destrui e dashboard bao di e stuurwiel pa purba start e auto pa bay cun'e pero no a logra sea cu nan lo a ser stroba di nan intento. Polis a tuma keho y a keda di manda e investigador nan tecnico y forensico y e team di autodiefstallen pa sigi cu e investigacion. Update: Ora cu e ladronnan no a logra bay cu e auto ey a bay cu esun di su bisiña



# Na Morgenster truck a pasa ranca wayanan y a sigi core manera nada a pasa lagando e peliger atras pa otro chauffeurnan

Diaranson mainta a drenta informe di cu tin wayanan benta abao riba caminda na Morgenster, mesora a dirigi un patruya na e sitio.

truck a pasa y a ranca e wayanan for di palo di lus y a laga esakinan abao y sigi core bay manera nada a pasa.

Na yegada di e patruya a bin compronde cu un

Polis di trafico a presenta y lo bay busca e truck cu a haci e daño aki.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
585-9500





# AVP CU 10 PUNTO PA TRECE PROSPERIDAD BEK PA PUEBLO



Sentimientonan, preocupacionnan y deseonan cu a worde recohi den Pueblo ta forma e fuente di 10 punto importante cu AVP ta pone como areanan cu un siguiente gobernacion lo mester bai enfoca riba dje pa trece alivio y prosperidad bek pa pueblo. Asina e lider di AVP, mr. Mike Eman a enfatisa den conferencia di Prensa hunto cu coleganan hoben y profesional Wendrick Cicilia y Presidente

di e hala scientifico, Fundacion Mito Croes, John Hart.

## 10 PUNTO DI PRIORIDAD PA PUEBLO

1. Trece alivio rapidamente pa Pueblo; Controla Costo di Bida y formalisa, den cooperacion cu Hulanda un institucion cu ta monitoria e realidad socio-economico di nos Pueblo.

2. Mehora poder di compra; Economia husto ca-

mindu un salario di un trabao mester por ta suficiente pa un bida husto y di calidad; Prosperidad comparti;

3. Reduci costo pa haci negoshi y promove inversion y comercio pa crea mas y mihor cupo di trabao;

4. Duna Pueblo nan remedinan bek y acceso rapido na especialista y cuido medico completo!

5. Pa famia por yega na tereno y construi nan vivienda propio lo haya

alto prioridad; lo elimina condicionnan inhusto.

6. Aumento substancial di Pensioen di nos Grandinan, sosten special pa nos grandinan y esnan vulnerabel den comunidad y esnan cu un limitacion;

7. Yega na acuerdo cu Hulanda pa converti debe di 900 miyon den un fondo di inversion pa Aruba; Inversion den Educacion; Infraestructura pa vivienda; Renovacion di barionan; Creacion di areanan di deporte y recreo; Conecta Aruba tecnologicamente y digitalmente (FinTech) na e mihor plataformanan den mundo.

8. Young entrepreneurs mester haya acceso na FinTech pa por desaroya comercio digital local y internacional;

9. Renovacion di bario y centronan di ciudad y creacion di atraccionan di recreo y deporte;



10. Haci Aruba un Isla sigur y tranquilo atrobe; Calidad di bida husto cu porvenir y perspectiva pa nos hendenan y pa nos

imigrantenan, un Aruba pa un y tur.

## PREPARA PA BOLTER COS

Lider di Partido mr. Mike Eman, Wendrick Cicilia y John Hart a splica con AVP semper a traha a base di un plan científicamente y profesionalmente desaroya y cu esey ta locual ta tumando lugar awor. E puntonan cu Eman a presenta a worde comparti cu e hala científico di e partido berde y esaki na su turno lo sigui desaroya e puntonan aki den un dialogo cu partido y stakeholdernan den comunidad. Enfasis ta riba un Plan y un Team Profesional pa saca Aruba padilanti “the day after Evelyn Wever Croes”. Aruba a perde 8 anja na man di e gobernacion di medida y ta ora pa bolter cos pa trece bek un gobierno cu ta pone e BON COMUN padilanti, ta e enfasis di e dirigentenan di partido berde.

## Polis a bay Madiki pa un problema di pareha unda e muhe a yega cas bao influencia



Diaranson madrugada a drenta informe di un problema di pareha na Madiki, mesora a dirigi un patrulla na e sitio. na yegada di e patrulla abin compronde cu e homber ta bisa cu e muhe a yega cas bao influencia y tabata kibrando tur cos den e cas. Polis a interveni den e asunto y a calma e situacion unda ambos a bay drumi sin mas problema p'e madrugada ey.

**Clasificados**

SOLODIPUEBLO@GMAIL.COM  
CEL. 585 9500

SOLO *Di Pueblo*



# SABIDURIA DEN NOS ALEGRIA

## Skirbi pa Ruthy”Lady Ruth” Vrieswijk-Bergen



Un bon dia yen di sabiduria den nos alegria ! Lady Ruth ta spera cu tawata un fin di siman trankilo y pacifico, yen di dushi paz mental, emocional y spiritual pa tur. Hopi ta e fielnan cu a reflecciona ariba Bierna Santo y of cana caminda di crus y despues Dia-domingo Pascu Grandi di Resureccion bay nan misa pa gradici Dios pa e regalo manda pa nos, su yui Jesus, cu a muri pa nos tur ariba e crus, recusita di tres dia, pa tur cu kere den Dje, por hanja bida eterno. Manera ta para den e buki mas lesa y mas cumpra, e bijbel, den San Juan 3:16. Bierna Santo den oranan di mainta laat Lady Ruth a scucha full e musical di e pelicula famoso di anjanan setenta “Jesus Christ Super Star” y a recorda su bunita presentacion di e cancion “I don’t know how to love Him” den un di e festivalnan di canto di Aruba Beach Club y Casa del Mar, anjanan pasa, cu acompañamento musical di e talentoso musico e gentil cabayero Amado Rosina. Nos a bira emocional y a realisa cu nos ta aki keto-bay den bon salud. Nos por comparti cu nos famia, nos por sigui comparti di nos talentonan y nos por sigui sinia algo nobo cada dia. Y cu nos lo sigui gradici Dios Tata Eterno pa su amor incondicional. Su bendicionnan ta mucho hopi pa menciona. Diasabra nos a keda cas reflecciona y medita scucha musica gospel. Diadomingo nos a bay pa un “hapje” y bebe un glas di binja na Plaza Café, wak si nos por


a hanja e webo di oro den e bom di e glas di binja . (Hahahahahahah) Awe nos ta comparti un crenchi di un otro tremendo “Anochi di Poesia” na “Neighba Café” den curason di San Nicolas cu a tuma lugar recientemente cu e tema “Consciencia”. Hopi tawata e poemanan relaciona cu e tema aki na diferente idioma. Poemanan impac-tante cu ta inspira nos tur. E biaha aki Lady Ruth no a logra skirbi su poema relaciona cu e tema aki. Cu un danki grandi na e instancianan cu ta hasi posibel tene “Poetry Night” regularmente. Danki na e ayudo di Prins Bernhard Cultuur Fonds Caribisch gebied, CMB bo banco amigo, Setar NV, Basha Foundation y Vibration PR Maria Silva Hart cu a cuminsa cu e bunita proyecto aki hopi anja pasa y cu mas y mas artista Poeta ta bin participa y habri nan curason cu nan sentimiento den nan palabranan poetico. Tin musica, canto y poesia. Tin intercambio di pensamiento, tin bunita comunicacion entre tur presente. Nos ta sinja di otro. Nos ta apoya otro. Nos tin un oido pa otro. Tur esaki den un dushi ambiente y tremendo bon servicio di Neighba su staf y personal. Ki dushi ta nan cumindanan tipico e.o. nan co-conut curry shrimps cu dushi johnny cake. Nos tur tawata contento di por a mira e cabayero Eribert Lama conosi como “Beach Laman”, su nomber artistico, e artista grandi di tur Diamars na Fort Zoutman Willem III toren cu e pre-

sentacion fabuloso di e esclava “Virginia”, cu ta laga nos turistanan impresiona sigur. Semper contento tambe di mira y scucha e bon animacion di e anochi nan di Poesia , Leo Phillips, como tremendo maestro di ceremonia, kende ta maestro di ceremonia tambe na Fort Zoutman tur Diamars. Caranan conosi presente regularmente na e “Nochinan di Poesia” ta e.o. Helena Fornara, Ariana “Lady Ari” Koolman-Chirino, Walter Mohamed, Jhon Freddy Montoya, Maria Silva Hart, Aaron “Rocky” Giel ariba su cuarta tocando y cantando su dushi musica, Lady Ruth mes y hopi hoben conosi pa cara y bunita curason, ( no por corda tur nomber ) cu ta debuta y of sigui bin participa. Pearl Dumfries como e artista “Watra” cu regularmente ta capta nos atencion y curason cu su bunita presentacion. Danki Pearl . E bunita anochi aki na Neighba, a wordo dedica “un momento” na amiga colega Poeta Nena Ponson ( rip) cu su bunita poemanan semper declama di curason foi memoria. Nena ( awe dfm) te ainda cu su 80 anja di edad a inspira nos tur cu su bunita manera di presenta cu asina hopi amor y pasion. Awor Nena pa semper mas serca di nos mente, alma y curason. Nos tin cu gradici tambe Jhon Freddy Tobon Montoya, ganador absoluto den Poeta Patria, pa semper saca bunita potret di e Nochinan di Poesia den nomber di departamento di cultura y tambe e gentil cabayero Anuar Habibe cu fielmente ta presenta cu su camera pa saca potret. Danki na tur cu ta hasi e anochinan di poesia posibel, tresiendo arte di palabra mas serca di hopi curason. E lugar ta varia, pero e amor ta mes of mas



fuerte bunita expresa cada biaha atrobe Danki Basha Foundation, Vibration PR, Setar NV, CMB y Prins Bernhard Cultuur Fonds Caribisch Gebied. Danki pa lesa nos relato y pasa un bon dia yen di sabiduria den nos alegria. Un “bearhug” di Lady Ruth pa boso tur ! Keda pendiente pa nos siguiente Poetry Night na luna di Mei , (lo anuncia riba face book

y demas social media, su fecha, su lugar y su ora ). Ta gusta escoge lugarnan bunita y suave, mayoria biaha anochi bau streanan na shelo, manera Kulture Café den curason di San Nicolas. E programa ta cuminsa 8 or, pero ta prepara pa cuminsa ricibi e artistanan Poeta y publico amante di e arte di palabra un par di ora mas tempran, cu dushi ambiente social cultural.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4





# Esaki t'e prome cos cu persona cu ta sufri cu Alzheimer ta lubida

E malesa di Alzheimer, trastorno cerebral cu ta causa un deterioro gradual di e capacidadnan cognitivo, manera memoria, pensamiento, comportacion y habilidad social, ta afecta den gran medida, e actividadnan diario di e personanan cu ta sufri di dje.

E Organizacion Mundial di Salud ta señala cu Alzheimer ta e tipo mas comun di demencia y ta representa entre 60% y 70% di e casonan cerca e adulto mayor. Di acuerdo cu e fundacion BrightFocus, e riesgo di sufri e malestar di Alzheimer, ta aumenta cu edad, ya cu tin registra cu 5% di e personanan di 65 pa 74 aña a sufri di e malesa aki, como tambe 13% di esunnan di 75 pa 84 aña y 33% di esunnan cu tin 85 aña of mas, respectivamente.

Con ta caracteriza Alzheimer?  
E malestar aki ta caracteriza p'e cambionan fisiologico den e cortex di e cerebro, na cual ta provoca pa e acumulacion di cierto proteina, manera e beta-amiloide y tau, den e celnan cerebral. E Instituto Nacional riba Embehecimiento di Merca, a splica cu e cerebro normalmente ta krim mientras cu un persona ta embehece, aunke no ta perde gran cantidad di neurona den e proceso.

Sinembargo, e malestad di Alzheimer ta causa cu e neuronanan ta lesiona y ta stop di funciona correctamente, causando cu e

conexionnan neuronal ta kibra y cu algun region di e cerebro ta cuminsa krim. Den e etapanan final di e malesa, e proceso aki, denomina 'atrofia celebra', ta provoca morto di e celnan cerebral y e perdida di volumen di e cerebro.

Kico t'e prome cos cu e personanan cu Alzheimer ta lubida?  
E perdida di memoria t'e sintoma mas importante den e malesa di Alzheimer. Den e etapanan trempan, e señalnan mas comun ta lubida informacion recién siña, manera fecha y evento importante. Esaki ta provoca cu e personanan mester pidi e mesun informacion repetidamente.

Tambe por experiencia dificultad pa planifica y resolve problema, presenta impedimento pa realisa tarea habitual y deorienta-



cion di tempo of luga. Otro di e sintomanan trempan ta inclui dificultad pa compronde imagen visual, problema cu e uzo di palabra, colocacion di obheto na otro luga, disminucion di bon huicio y cambio repentino di humor.

Kico mi mester haci si mi ta nota algun sintoma?  
E Asociacion di Alzheimer ta sugeri cu e personanan ey cu ta nota un of mas di e sintomanan anteriormente señala, ta acudi na dokter pa wordo evalua corectamente. Algun di e testnan ta pa determina e malesa ta inclui exploracion fisico y neurologico, analisis di laboratorio y examen imagenologico di e cerebro.

"Señor ta mi wardador, mi'n tin falta di nada. Den cunucu di yerba berde E ta ponemi sosega. E ta hibami na awa trankil pa mi bolbe haya forza."

Salmo:23

Fundacion Facilidatnan Deportivo  
tin e tristo deber di anuncia fayecimento di:

**SR. OMAR FRANKEN**

Na bida, omo di nos colega  
**Sr. Yabib Franken**

Directiva, Staff y Personal di Fundacion Facilidatnan Deportivo ta expresa su mas profundo condolencia na Yabib y famia.

Cu Dios duna e famia forza den e tempo dificil aki.

FFD

**Clasificados**

CLASSIFIEDS

SOLODIPUEBLO@GMAIL.COM  
CEL. 585 9500

SOLO De Pueblo

**MARAVILLAS DE LA FE**

Salud Suerte Amor

**Aruba: 748-5671**

**Cartas di tarot**

Bo ta sufri di un malestar cu bo no por cura?  
Bo ta victima di bruheria?  
Bo plaka no ya jega?  
Bo cumpra numbernan y bo no ta gana?  
Bo ta hal casino y no puede tur bo plaka?  
Bo tin problemanan di amor?  
Bo pareja ta gañabo?  
Fracaso, Soledad, Malesanan angustia, Mala suerte  
Comunica na 748 5671

**ORACION DI DIA**

**Un dia fructifero colma cu hopi bendicion di Dios**

"Ma algo tabata stroba nan bista, di moda cu nan no por a reconoc'E" Lucas 24,16

Hesus ta aparece na dos discipel cu ta na caminda pa Emaus. Riba caminda pa Emaus, Cleofas y otro discipel nan wowo tawata tapa y scur door di tristeza di loke a pasa cu Hesus na Herusalem, p'esey nan no por a reconoce Hesus na prome instante, pero mas laat y mientras Hesus tawata come hunto cu nan y El a coge e pan, gradici Dios, kibr'e y duna nan. E ora nan wowo a habri y nan a reconoce Hesus. Hesus resucita ta sali na encuentro di Su sigui-donan cu ta experimenta dificultadnan y ta perdi sin futuro. Durante di Su ministerio terenal Hesus a muestra amor pa Su prohimo, ora E tawata bendiciona y sirbi pobernan, enfermonan y afligi-donan. Hesus no ta un stanhero den nos caminda, pero Hesus crucifica cu a Resucita y ta busca nos. E conoce nos y ta stima nos. Den nos propio caminda pa Emaus, Hesus ta invita nos pa bin cerca dje y pa nos sinti goso cu n'E. Nos mester invita Hesus pa keda cu nos. Nos mester renoba nos Fe den dje cu oracion diario y honra Escritura. Asina semper Hesus ta cerca nos.

Oracion: Mi Señor y mi Dios, pa semper mi keda puntra pa Bo Señor, acudi na Bo poder y cu mi keda busca Bo cara Sa-grado. Amen.





# HOROSCOP

## 5 di april 2024

Feliz y productivo diabierna. Awe Solo di Pueblo ta presenta bo horoscop pa dia 5 di april 2024.

**Aries**  
Un persona nobo lo aporta cambio sentimental na bo bida. Bienes y propiedad lo produci beneficio. Ta premira un asunto profesional hopi interesante. Lo bo mester consulta cu bo dokter riba e cansancio ey. Number di suerte: 96, 89, 5.

**Tauro**  
Kibra e monotonía di bo bida sentimental. Relaciona cu placa, cana cu bo pia di chumbo. Dicidi, por fin, pa haci e curso ey, e lo satisface bo. Bo ritmo di bida lo hiba bo na descuida un poco bo salud. Number di suerte: 19, 71, 1.

**Geminis**

Den amor, awe lo bo por haya novedad. Pone bo cuentanan di banco na ordo. E dia laboral lo desaroja di maraviya. Bo tin di controla e excesonan y plantia un cambio di bida. Number di suerte: 38, 43, 9.

**Cancer**  
Bo situacion sentimental ta motibo di envidia. E indiferencia p’e problemanan economico ta peligroso. Planea cuidadosamente e strategia pa sigui na trabao. E kilonan di mas ta acumula n’e luganan no desea, move. Number di suerte: 43, 56, 4.

**Leo**  
Tene mas na cuenta bo amigonan si bo no kier perde nan. No gaña bo mes, bo cuentanan ta bay malo. Den trabao, bo bida por dal un buelta impor-

tante. Bo silueta por wordo afecta pa inactividad. Number di suerte: 67, 21, 4.

**Virgo**  
Dia perfecto pa traha plan cu bo pareha. Bon momento pa inverti algo di placa den stockmarket. Bon vision pa negoshi. Salud magnifico, sali diberti bo mes. Number di suerte: 88, 12, 1.

**Libra**  
Recupera e romanticismo perdi cu bo pareha. Purotauto ta contraproducente pa bo economia. Sigui traha duro den bo proyecto laboral nobo. No haci di mas cu e fiestanan nocturno. Number di suerte: 85, 98, 1.

**Scorpio**  
Bo ta lanta pasion cu bo cambio di imagen. Con-

trola bo gastona, ultimamente bo no tin paracion. Bo motivacion y bo ingenio ta envidiabel na trabao. Si bo tin un proyecto importante na man, no trasnocha. Number di suerte: 95, 88, 4.


**Sagitario**  
Evita discusion absurdo cu bo pareha, e no ta hiba boso ningun caminda. Dirigi bo esfuersonan na economisa tur loke ta posibel. Nan lo ofrece bo un promocion. Duna atencion n’e accidentenan domestico. Number di suerte: 52, 54, 4.

**Capricornio**  
Situacion bastante emocionante den lo sentimental. Den e aspecto economico bo lo mester ta mas realista. Lo bo ricibi

un oferta importante di trabao. Bo ta di caracter firme y cu e animo mas sereno. Number di suerte: 13, 86, 9.


**Acuario**  
Bida social intenso; bo por conoce bo futuro pareha. Awe e astronnan lo faborece bo, purba cu wega di suerte. Dia di trabao hopi duro. No wak patras; bo ta den bo miho momento di salud. Number di suerte: 99, 63, 5.

**Piscis**  
Bo relacion di pareha tin mester di un terapia. Dia apropiada pa resolve asunto financiero. Pensa bon prome cu bo acepta e trabao ey. Tene na cuenta e molesternan ey, consulta cu bo dokter. Number di suerte: 88, 88, 6.




Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 3 April 2024 Anochi

<b>CATOLIC</b>	<b>LOTTO 5</b>	<b>05-08-13-14-18</b>
Sorteo # 8209	Sorteo # 2481	Joker 30 Letter A
3512	0 x Jackpot	Proximo Jackpot
9167	0 x Match 4+	180.000,-
2311	6 x Match 4	
	189 x Afl. 12,00	
<b>MULTI X</b>	<b>LOTTO DIA</b>	<b>03-09-16-19-25</b>
x2	Sorteo # 6433	Proximo Jackpot
<b>BIG 4</b>	0 x Jackpot	94.000,-
Sorteo # 7253	6 x Match 4	
9838	196 x Afl. 8,00	
<b>MULTI X</b>	<b>MEGA</b>	
x2	Sorteo #	Mega Ball
<b>10FF</b>	0 x Jackpot	Proximo Jackpot
Sorteo # 1958	0 x match 4	330.000,-
0411	0 x Afl. 500,00	
<b>ZODIAC</b>	0 x Afl. 50,00	
Sorteo # 6012	0 x Afl. 15,00	
5497	<b>MEGA</b>	<b>Afl. 430.000,-</b>
Virgo	<b>MEGA REUS</b>	
<b>LUCKY 3</b>	<b>KORSOU</b>	
Sorteo # 942	Sorteo #	
073		
<b>MULTI X</b>		
x2		



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 4 April 2024 Merdia

<b>CATOLIC</b>	<b>LOTTO 5</b>	
Sorteo # 4228	Sorteo # 2481	Joker Letter
3593	0 x Jackpot	Proximo Jackpot
1546	0 x Match 4+	180.000,-
5760	6 x Match 4	
	0 x Afl. 12,00	
<b>MULTI X</b>	<b>LOTTO DIA</b>	
x2	Sorteo # 6433	Proximo Jackpot
<b>BIG 4</b>	0 x Jackpot	94.000,-
Sorteo # 4228	6 x Match 4	
6475	0 x Afl. 8,00	
<b>MULTI X</b>	<b>MEGA</b>	
x2	Sorteo #	Mega Ball
<b>10FF</b>	0 x Jackpot	Proximo Jackpot
Sorteo # 2284	0 x match 4	330.000,-
4612	0 x Afl. 500,00	
<b>ZODIAC</b>	0 x Afl. 50,00	
Sorteo # 4228	0 x Afl. 15,00	
6100	<b>MEGA</b>	<b>Afl. 430.000,-</b>
Libra	<b>MEGA REUS</b>	
<b>LUCKY 3</b>	<b>KORSOU</b>	
Sorteo # 1102	Sorteo #	
120		
<b>MULTI X</b>		
x3		



### PRONOSTICO DI TEMPO

VALIDO TE DIABIERNA 05 DI APRIL 2024,  
18:00 ORA  
TEMPO:  
AWE TARDI Y AWE NOCHI: PARCIALMENTE NUBLA  
Y GENERALMENTE SECO  
DEN MARDUGA Y MAYAN: PARCIAMENTE NUBLA CU UN AWACERO PASAJERO  
TEMPERATURA MAXIMO 32 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 33 PA 38 GRADO CELSIUS  
UV INDEX: 12  
POTENCIAL DI AWACERO PA PROXIMO 24 ORA:  
1 MM OF MENOS; LOCALMENTE ESAKI POR TA DIFERENTE.  
REGISTRACION DI TEMPERATURA (GRADO CELSIUS) Y  
AWACERO (MM) DEN ULTIMO 24 ORA (8'AM PA 8'AM):  
PRONOSTICO DI TEMPO PA PROXIMO 3 DIANAN:  
PARCIALMENTE NUBLA, STOFFERIG CU UN AWACERO PASAJERO. BIENTO LO TA MODERA TE BASTA FUERTE  
FOR DI DIRECCION OOST; FUERTE TE DURO DEN RAFAGA.  
TEMPERATURA (GRADO CELSIUS) MAX / MIN LO TA: 32 / 27